

ШЖҚ Облыстық жұқпалы аурулар ауруханасы КМК «Сыбайлас
жемқорлыққа қарсы іс-қимыл» тақырыбында ұйымдастырылған жиналыстың
хаттамасы

№ 9 хаттама

**Тақырыбы: Сыбайлас жемқорлыққа қарсы мәдениетті қалыптастыру
маңызды**

Өткізілген күні: 25.11.2024 жыл

Төрағасы: Ниязбеков У.А.

Комплаенс офицер Ермектасов Р.Ж.

Күн тәртібі

1. Сыбайлас жемқорлыққа қарсы мәдениетті қалыптастыру маңызды
Жауапты: комплаенс офицер Ермектасов Р.Ж.

Сөз алды: ШЖҚ Облыстық жұқпалы аурулар ауруханасы КМК комплаенс
офицер Ермектасов Р.Ж.- Сыбайлас жемқорлыққа қарсы мәдениетті
қалыптастыру маңызды атты тақырыпта баяндама оқыды.

Қоғамда тамырын тереңге жайып, өкінішке қарай, көптеген тың бастамаларға
тұсау болып, әр отбасының әл-ауқатына, мемлекеттің экономикалық-
әлеуметтік дамуына, кез келген салада жетістікке жету жолындағы ең үлкен
кедергіге айналып, кері әсерін тигізетін мәселенің бірі – сыбайлас жемқорлық.
Яғни, бұл – қоғам дерті.

Аталған қылмыс түріне бару – болашаққа балта шауып, Отанға опасыздық
жасаумен тең. Өйткені жең ұшымен жалғасқан жемқорлық бар жерде ұлттық
қауіпсіздікке де үлкен қатер төніп тұрары сөзсіз. Сондықтан Қазақстан
Республикасының мемлекеттік саясатының негізгі басымдықтарының бірі –
осы індетпен халық болып күресу. Жемқорлық сынды жымысқы әрекетке бару
ең алдымен адами фактор, яғни әр азаматтың таным-түсінігіне, рухани
кемелділігі мен ой-өрісі, сана-сезіміне тікелей байланысты болғандықтан
жемқорлықпен күресте негізгі тетік – сыбайлас жемқорлыққа қарсы мәдениет
деңгейін қалыптастыру екені анық. Бұл – дамыған елдердің тәжірибесінде оң
бағаланған, нәтижелі әдістің бірі.

Сыбайлас жемқорлыққа қарсы мәдениетті қалыптастыра отырып, қоғамдық
сананың өзгеруіне түрткі боламыз. Қоғамдағы сыбайлас жемқорлыққа қарсы
сана адамгершілік және адамгершілікке жат қылықты, заңды және
заңсыздықтың шегін көрсетіп береді. Ол сыбайлас жемқорлыққа қарсы мінез-
құлықты қамтамасыз ету үшін моральдық-адамгершілік, идеологиялық,
құқықтық шараларды талап етеді.

Жоғарыда айтқанымдай, сыбайлас жемқорлық – қоғамның дерті. Ал қоғамды
күрушы – адамдар, яғни біздің әрқайсымыз. Демек, бұл дертпен күресуде
әрқайсымыздың рөліміз, әрқайсымыздың әрекетіміз маңызды. Моральдық-
адамгершілік, этикалық мәдениетті тәрбиелеп, құқықтық сауаттылық
негіздерін, мүдделер қақтығысының барлық көріністеріне төзбеушілікті,
өскелең ұрпақтың жастайынан құқықтық санасы мен мәдениетін

қалыптастыру, отансүйгіштік бағыттағы құндылықтар негізінде тәрбиелеу абзал. Сондықтан жемқорлыққа қарсы белсенді азаматтық позиция әрбірімізде болуы керек. Мұның бәрі елімізде құқықтық мемлекеттің іс жүзінде орнауына, заңның үстемдігіне, әр адамның қауіпсіз өмір сүруіне, қоғамдық тәртіптің нығаюына, әлеуметтік ахуалдың жақсаруына, ең бастысы ұлттың қауіпсіздігін қамтамасыз етуге және тұрақты дамуға жол ашады. Әрине, бұл жерде ашықтық пен жариялықтың да орны маңызды.

Қазақстан Республикасының «Сыбайлас жемқорлыққа қарсы іс-қимыл» туралы Заңында «Сыбайлас жемқорлық – жауапты мемлекеттік лауазымды атқаратын адамдардың, мемлекеттік функцияларды орындауға уәкілеттік берілген адамдардың, мемлекеттік функцияларды орындауға уәкілеттік берілген адамдарға теңестірілген адамдардың, лауазымды адамдардың өздерінің лауазымдық (қызметтік) өкілеттіктерін және соған байланысты мүмкіндіктерін жеке өзі немесе делдалдар арқылы жеке өзіне не үшінші тұлғаларға мүліктік (мүліктік емес) игіліктер мен артықшылықтар алу немесе табу мақсатында заңсыз пайдалануы, сол сияқты игіліктер мен артықшылықтарды беру арқылы осы адамдарды параға сатып алу» деген ақпарат берілген. Осы орайда мемлекеттік көрсетілетін қызметтер алуда мемлекеттік қызметшілер мен жеке және заңды тұлғалардың тікелей байланысын азайту мақсатында соңғы жылдары электронды қызмет көрсету форматы кеңінен өріс алды. «Ашық әкімдік», «Адалдық алаңы» сынды жобалардың да көздегені – сыбайлас жемқорлықтың тәуекелдерін жойып, халыққа адал қызмет көрсету. Электронды мемлекеттік қызмет форматы арқылы халыққа көрсетілетін мемлекеттік қызмет сапалы, тиімді, әрі қолжетімді болды. Ғаламтор жүйесі арқылы көрсетілетін мемлекеттік қызмет сыбайлас жемқорлық бағытындағы заң бұзушылықтардың көлемін біршама азайтатынын тәжірибе көрсетіп отыр.

Ел Президенті Қасым-Жомарт Тоқаев: «Сыбайлас жемқорлық дегеніміз – үлкен мөлшерде енетін ауру және одан емделіп шығу ұзаққа созылады. Оған қарсы күшті дәрі қолданбаса, жемқорлықтан арылу мүмкін емес. Сондықтан біз барлық қажетті шараларды жалғастырамыз!» демекші, қоғамдағы осынау орасан күшке ие жемқорлықпен күрес дамылсыз жалғаса бермек. Оны жеңу сіз бен бізге ғана байланысты екенін естен шығармайық!

Шешімі:

1 ШЖҚ Облыстық жұкпалы аурулар ауруханасы КМК Сыбайлас жемқорлыққа қарсы мәдениетті қалыптастыру маңызды атты тақырыпта баяндамамен танысып одан әрі жұмыс барысында қолдануға ат салысады .

Төраға:  Ниязбеков У.А.

Комплаенс офицер  Еремектасов Р.Ж.

Жиналыс хаттамасымен танысу парағы 25.11.2024 жыл

№	ФИО	кызметкер атауы	колы
1	Хуснибай И	программист	
2	Исмаилов Ч.Х	врач туберкулез	
3	Кимовичев Р.С	бухгалтер	
4	Драмухаметова Н.С.	расч. бұқс	
5	Скворцова Л.В.	ш. бұқс	
6	Войнова, М.У	восстанов	
7	Мухометов Р. Р	завхоз	
8	Исмаилов А. Д	ис-хитизация	
9	Сенгалкунова Г.А	ада м/р к/р	
10	Мухометов Р. Р	завхоз	
11	Исмаилов Р. Р	завхоз	
12	Исмаилов Р. Р	завхоз	
13			
14			
15			
16			
17			
18			
19			
20			
21			